



‘Mladiću, podučit ću te nekim riječima: Čuvaj Allaha, Allah će tebe čuvati; čuvaj Allaha, imat ćeš Ga stalno ispred sebe. Kada moliš, moli Allaha; ako tražiš pomoć, traži je od Allaha

Od Ebul-Abbasa, Abdullaha b. Abbasa, radijallahu anhuma, prenosi se da je rekao: “Jednog dana sam bio iza Allahovog Poslanika, sallallahu alejhi ve sellem, pa mi reče: ‘Mladiću, podučit ću te nekim riječima: Čuvaj Allaha, Allah će tebe čuvati; čuvaj Allaha, imat ćeš Ga stalno ispred sebe. Kada moliš, moli Allaha; ako tražiš pomoć, traži je od Allaha. Znaj, kada bi se cijeli ummet sakupio da ti pomogne u nečemu, ne bi ti mogli pomoći osim onoliko koliko ti je to već Allah propisao, a i kada bi se sakupili da ti nanesu neku štetu, ne bi ti mogli nauditi više od onoga što ti je Allah već odredio. Pera su podignuta, a stranice su se osušile.’” U drugim predajama mimo Tirmizijine stoji: “Čuvaj Allaha, imat ćeš Ga stalno ispred sebe. Znaj za Allaha kad si u blagostanju, Allah će znati za tebe kada budeš u tegobi; i znaj da ono što te je mimoišlo nije te moglo zadesiti, a ono što te je zadesilo nije te moglo mimoići. Znaj, zaista je pobjeda sa strpljenjem, izlaz sa nevoljom, a olakšica sa tegobom.”

[صحيح] [رواه الترمذي وغيره]

Ibn Abbas, radijallanu anhu, nam kazuje da mu je jednom prilikom, dok je bio dječak, kada je jahao zajedno sa Allahovim Poslanikom, sallallahu alejhi ve sellem, Poslanik rekao: "Dječače, podučit ću te nekim stvarima koje će ti biti od koristi: Čuvaj Allaha tako što ćeš izvršavati ono što je On naredio i kloniti se onoga što je On zabranio. U skladu s tim, bit ćeš uvijek u djelima pokornosti, a ne u grijesima. Ako tako postupiš, Allah će te nagraditi tako što će te sačuvati poteškoća ovoga i Onoga svijeta i pomoći će te u svemu što radiš. A kada želiš da zatražiš od nekoga nešto, zatraži samo od Allaha. On je jedini koji se odaziva onima koji Ga mole. Pored toga, kada želiš da potražiš pomoć, zatraži je samo od Allaha. Budi ubijeđen da ti se u životu neće desiti neka korist pa makar se svi ljudi na Zemlji skupili da ti je priušte, osim uz Allahovu dozvolu. S druge strane, neće ti se desiti nikakva šteta makar se svi ljudi urotili protiv tebe, osim ako Allah tako odredi. To je sve Allah odredio shodno Svojoj mudrosti i Svome znanju. Ne može se promijeniti ono što je Uzvišeni odredio. Onaj ko bude čuvao Allahove granice, izvršavanjem Njegovih naredbi i klonjenjem Njegovih zabrana, taj će imati Allahovu pomoć, jer Allah, Uzvišeni, bdi nad Svojim robom, zna njegovo stanje, pomaže ga i učvršćuje. Ako čovjek bude pokoran Allahu u vremenu blagostanja, Allah će mu u teškim trenucima podariti izlaz i olakšanje. Zato svaki rob treba da bude zadovoljan onim što mu je Allah odredio, bilo da je dobro ili teškoća. U nevoljama i iskušenjima dužan je biti strpljiv, jer je sabur ključ spasa. Kada tjeskoba dostigne vrhunac, dolazi Allahovo olakšanje, a nakon

svake teškoće Allah daruje olakšanje.

<https://sunnah.global/hadeeth/bs/show/66522>

النجاة الخيرية
ALNAJAT CHARITY

